

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), razmatrajući Amandman I Kluba poslanika SDP-a u Skupštini Zeničko-dobojskog kantona, podnesen na Prijedlog Programa rada Skupštine Zeničko-dobojskog kantona za 2021. godinu, na prijedlog Ministarstva za pravosuđe i upravu, Vlada Zeničko-dobojskog kantona, na 95. sjednici, održanoj dana 24.02.2021. godine, d o n o s i

ZAKLJUČAK

I.

Prihvata se Mišljenje Ministarstva za pravosuđe i upravu Zeničko-dobojskog kantona, broj: 06/04/1-02-2456-1/21 od 23.02.2021.godine po Amandmanu I. Kluba poslanika SDP-a u Skupštini Zeničko-dobojskog kantona, podnesenom na Prijedlog Programa rada Skupštine Zeničko-dobojskog kantona za 2021. godinu.

II.

Zaključak sa Mišljenjem iz tačke I. dostavlja se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____/21

Datum, 24.02.2021. godine

Zenica

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.

O b r a z l o ž e n j e:

Pravni osnov:

Član 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10).

Razlozi za donošenje

Klub poslanika SDP BiH u Skupštini Zeničko-dobojskog kantona podnio je Amandman I na Prijedlog Programa rada Skupštine Zeničko-dobojskog kantona za 2021. godinu, kojim se u dijelu II SADRŽAJ PROGRAMA, A-OBLAST PRAVOSUĐA I UPRAVE, iza tačke 1., dodaje tačka 2. koja glasi:

„2. Zakon o državnoj službi Zeničko-dobojskog kantona,

Nosilac izrade: Ministarstvo za pravosuđe i upravu Zeničko-dobojskog kantona

Predlagatelj: Vlada Zeničko-dobojskog kantona

Donosilac akta: Skupština Zeničko-dobojskog kantona

Pravni osnov: Ustav Zeničko-dobojskog kantona

Razlozi za donošenje: Potreba za donošenjem Zakona o državnoj službi Zeničko-dobojskog kantona proizilazi iz toga što Zakon o državnoj službi u Federaciji BiH, koji se u skladu sa Zakonom o preuzimanju zakona o državnoj službi u Federaciji BiH („Službene novine Zeničko-dobojskog kantona“, broj:3/12) primjenjuje u Zeničko-dobojskom kantonu, sadrži niz manjkavosti i nedostataka..

Postupak donošenja: Redovan

Rok: *Nacrt:* juni, *Prijedlog:* novembar.“

Vlada Federacije Bosne i Hercegovine je aktom „Poziv za usklađivanje politika državne službe“, broj: 03-02-723/2019 od 3.10.2019. godine, zatražila da vlade svih kantona, pa i Zeničko-dobojskog kantona na svojim sjednicama donesu odluku o potrebi usklađivanja zakonodavstva FBiH i kantona u oblasti državne službe, što podrazumjeva donošenje jedinstvenog zakona za područje cijele Federacije. U skladu s navedenim aktom Vlade FBiH, Vlada Zeničko-dobojskog kantona (u daljem tekstu: Vlada Kantona) je na 25. sjednici, održanoj dana 21.10.2019. godine donijela Odluku o potrebi usklađivanja zakonodavstva Federacije Bosne i Hercegovine i Zeničko-dobojskog kantona u oblasti državne službe (u daljem tekstu: Odluka)

Vlada Kantona je navedenom Odlukom izrazila opredjeljenje o potrebi pokretanja procedure usklađivanja zakonodavstva Federacije Bosne i Hercegovine i Zeničko-dobojskog kantona u oblasti državne službe u pravcu donošenja jedinstvenog zakona za područje cijele Federacije Bosne i Hercegovine, te u tu svrhu prihvatila sudjelovati na pripremim i radnim sastancima s predstavnicima Vlade FBiH- Federalnim ministarstvom pravde- Zavodom za javnu upravu, predstavnicima Vlade Unsko-sanskog kantona, Vlade Posavskog kantona, Vlade Tuzlanskog kantona, Vlade Sarajevskog kantona, Vlade Bosansko-podrinjskog kantona, Vlade Srednjobosanskog kantona, Vlade Hercegovačko-neretvanskog kantona, Vlade Zapadnohercegovačkog, Vlade Hercegbosanskog kantona, kako u pripremama tako i na radnim sastancima izrade jedinstvenog zakona o državnoj službi za područje cijele Federacije Bosne i Hercegovine, a članom 2. Odluke imenovala članove radne grupe i istima dala saglasnost da u ime Vlade Zeničko-dobojskog kantona sudjeluju na pripremim i radnim sastancima izrade jedinstvenog zakona za državnu službu na području Federacije Bosne i Hercegovine.

Pored navedenog ističemo da je i Preporukom 53. Europske komisije, Direkcije za Europske

integracije naveden prioritet BiH da uskladi propise o državnoj službi s principima javne uprave, izbjegavajući bilo kakve pokušaje daljnje politizacije državne službe, posebno izuzimanja viših rukovodećih pozicija iz opsega državne službe kao proritet .

Zbog naprijed navedenog Ministarstvo za pravosuđe i upravu je i dalje na stanovištu da upućivanje Nacrta Zakona o državnoj službi Zeničko- dobojskog kantona, kako je traženo, prije donošenja jedinstvenog zakona o državnoj službi za područje cijele Federacije Bosne i Hercegovine, u skupštinsku proceduru, ne bi bilo u duhu harmonizacije propisa na području Federacije BiH koji regulišu ovu oblast.

Finansijski efekti

Za provođenje ovog zaključka nisu potrebna dodatna finansijska sredstva.